

Inatsisartut suleriaasianni § 37 imm. 1 naapertorlugu matumuuna Naalakkersuisunut apeqquq imaattoq saqqummiuppara.

Naalakkersuisunut apeqquq:

- 1. Aalisakkat pisassiissutigineqartartut piginneqatigiilluni ingerlatsivinnut pisassiissutigineqartartut aalisartunut tamakkiinerusumik pisassiissutigineqaqqittalernissaat qanoq ilillugu Naalakkersuisut sulissutigisinnaavaat?**
- 2. Aalisakkanik avammut niuernermit atatillugu tunisassiornermi naleqarnerulersitsineq qanoq ilillugu Naalakkersuisut anguniarpaat?**
- 3. Aalisarnerup uneqattaanngitsumik ataavannerusumillu ingerlanneqalernissaa anguniarlugu Naalakkersuisut qanoq iliuseqarniarpat?**

(Inatsisartunut Ilaasortaq Anthon Frederiksen, Partii Naleraq)

Tungavilersuut:

Naluneqanngitsut aalisarneq inuussutissarsiutit pingaarnersaraat aamma tupinnanngitsumik pingaartumik inatsisartunut qineqqusaarnerup nalaani partiit pinngitsoqarata aalisarnerup siuarsarneqarnissaa, minnerunngitsumillu aalisartunut atugassarititaasut pitsaanerulersinneqarnissaat sulissutiginiarlugu neriorsuutingaarput.

Taamaammatt aamma Partii Naleqqamiit assut soqutigaarput, aalisakkat assigiinngitsut isumatusaartumik inuiaqatigiinnullu iluaqutaanerusumik atorluarneqarnissaat sulissutigissallugu.

Partii Naleqqamiit aamma nuannaarutigalugu maluginiarparput, pingaartumik maannakkut Naalakkersuisut siulittaasuata qineqqusaarnerup nalaani aalisakkat avammut tunineqartartut naleqarnerulersinneqarnissaat sulissutiginiarlugu neriorsuutigimmagu. Taamaattumik Partii Naleqqamiit assut soqutigaarput, taamatut aalisakkanik avammut niuernermi naleqarnerulersitsinissaq Naalakkersuisut sulissutigalugu aallartereersimaneraat aamma maannamut qanoq suliaq sumut killinnersoq?

Naluneqanngitsumik inuiqatigiinni ajornartorsiutitta ilagaat suliffissaaleqinerujussuaq. Partii Naleqqamiit qularutiginnilarput aamma apeqquqit qulaani taaneqartut iluarsiiffiginerisigut,

minnerunngitsumillu aalisarnerup ataavarnerusumik ingerlaleneratigut suliffiit ataavartut
aamma kajuminnarnerusullu pilersinneqarsinnaasut.

Sapinngisamik ullut suliffiit qulit qaangiutinnginnerini akissuteqarfigineqarnissarput Partii
Naleqqamiit piumasaraarput.